

Сайид Музаффар Хўжа Киромийнинг биографияси ва ижоди хали тўла ўрганилган эмас. Хоразм шоирларидан Нишотий ўзининг «Хусну дил» номли достонининг 10-бобида бу асарни ёзишда Киромийдан илхомланганини айтиб ўтади. «Хусну дил» 1778 йилда ёзилган. Хоразмда 1791 йилда тузилган бир баёзга Киромийнинг иккита мухаммаси киритилган. Демак бу вақтларда Киромий отоқли шоир бўлган.

Киромий ўз даврининг маданий савияси юксак ва талантли шоирларидан эди.

Нишотийдан бошқа Мунис ҳам ўзининг машхур шеърларидан бирида Низомий, Жомий, Навоий каби устодлари каторида Киромийни ҳам хурмат билан эслайди. Шубхасиз, Киромий ўтмишдаги форс ва ўзбек адабиётини чуқур билган. У ўз ижодида Навоий изидан борган, Навоий ижодининг Хоразм меҳнаткашлари, олим, шоирлари орасида тарқалишида катта хизмат кўргазган, Нишотий Равнак, Роқим, Мунис каби талантли шоирлар ижодига йўл очиб берган.

Биз бу ерда Киромийнинг Навоий газалларига боғлаган бирмунча мухаммасларини келтирамиз. Бу шеърлар Ўзбекистон Фанлар академиясининг Шарқшунослик институти фондидаги 7054 рақамли кўлёзма баёздан олинди.

### МУХАММАСЛАР

Олиб аввал назарда аклу хушимни тамом айлаб,  
Не хосил килдинг, эй бедард, зулму кин мудом айлаб,  
Мени ранжур олур сиххат лабингдин шод ком айлаб,  
Ўлукни тиргузур лаълинг масихосо калом айлаб,  
Такаллум чошнисин шарбати юхйил-изом айлаб.

Санойиъдин бири келмай вужуда, эй малак симо,  
Адам кунжида эрди бору йўк дунё ва мофиҳо,  
Килурда сурати покингни устои кадар пайдо,  
Азалда лаълинг сайд эткали кўнглум кушин гўё,  
Казо сайёди жонлар риштасидин ёйди дом айлаб.

Гаройиб зеб қоши ток ила қохи эрур хизре,  
Муфарраш анда хар бир санглохи эрур хизре,  
Курук какшал шажарлар жавфи сурохи эрур хизре,  
Чаманда тозаликдин хар курук шохи эрур хизре.  
Магарким ўтмиш андин оби хайвоним хиром айлаб.

Раводур нуктаи мавхум демак огзинг эъломин,  
Очилмайдур неча наззора килсам кулгу хангомин,  
Колур хайратга кўрса улки аллома кўюб номин,  
Агар харф ўлса мудгам ваҳки холинг нукта идгомин,  
Аён килди кўзумнинг мардуми ичра маком айлаб.

Хароб ўлмакдин ўзга чора йўқдурким келиб каршу,  
Жафо новакларига айладинг жону дилим кобу,  
Недин тушди каро кун бошинга деб сўрма, эй махрў,  
Не бўлгай рўзгорим тийра бўлмайким, очиб гесу,  
Каро шомимни мухлик айладинг, субхимни шом айлаб.

Агар укбода рохат истасанг нафсингга бўлгил зид,  
Сахарлар йиглабон элдин нихон бўл тангрига обид,  
Амалнинг яхшиси улдур риёга бўлмагай оид,  
Чу ҳақ даргоҳидин мардуд этар найларсан, эй зоҳид,  
Кабули халк учун ортуки тоат илтизом айлаб.

Жаҳолат тойирин афгон чекиб хуркутди фақр аҳли,  
Кўнгулни хонумондин ох уруб совутди фақр аҳли,  
Назар кил, матлабига етгуча кон ютди фақр аҳли,  
Ёшингни дона, багрингни сув килким тутди фақр аҳли,  
Хидоят кушларин бу донау сув бирла ром айлаб.

Хабодур ортмас рўзи киши ҳар неча саъй этсун,  
Не хосил меҳнат ила жамъ килмок сим ила олтун,  
Киромий, кил каноат не мукаддар бўлса чекмай ун,  
Навоий, кунда чун бир курси максум ортмас нечун,  
Фалакдек бўлма танг саргашта тун, кун эҳтимом айлаб.

\* \* \*

Мони чекарга суратинг накшини кўп килди жадал  
Бўлмайн сирри мусбати тасвирига тушди халал,  
Вах не ажаб маснуъсен, йўктур назиринг, эй гўзал,  
Гўё лабу хатингни тарх этканда наккоши азал,  
Шингарфу зангор ўрнига лаълу зумуррад килди хал.

Будур ул ойнинг одати, солур бошимга кулфати,  
Ўтмай замони фурсати, текгуси жонга шиддати,  
Аклимни олиб фикрати, кўнглумга еткай рохати,  
Фош этти гохе рифкати, кўз кони томгон хайъати,  
Ким кўз каросин фуркати, кон бирла айлабдур бадал.

Эй дилбари гулгун кабо, васлингдин ўзга муддао  
Йўктур манга субху масо, килди ракиб юз минг жафо,  
Мен зорни сендин жудо, хижрон ўти жоним аро,  
Доги фирок, эй дилрабо, андок кўзум килди каро,  
Ким кўз каросидек манга, матлуб эрур доги ажал.

Сархуш майи рангин ила, сар то кадам тазйин ила,  
От секритиб ойин ила, чикдинг кошингда чин ила,  
Рохингда мен тахсин ила, килдим дуо омин ила,  
Сен фуркат истаб кин ила, мен ер ўпуб тамкин ила,  
Катл ахлига таскин ила, килмок намоз эрур хиял.

Фуркат шарори ногахон, ёкти таним бермай амон.  
Килдим базе оху фигон, мамлу унимдин осмон,  
Дардим нучук айлай нихон, элдин мени бехонумон,  
Хажринг ўтидин хар замон, андог куяр озурда жон,  
Ким согинур боги жинон, дўзахга кирса филмасал.

Пандим эшит, эй нозанин, не гул колур, не ёсмин,  
Айлаб ажал бир кун камин, тортар бошинга тиги кин,  
Не важх ила бўлмай хазин, охир кетар хар моу тин,  
Юз йилга умр ўлсун карин, бир дам кўрар ахли якин,  
Бас недур эй хилватнишин мунча санга тули амал.

Гулзор аро ул нўшлаб, базм айламакка рўзу шаб,  
Айёми гул бўлди сабаб, хамрох неча олий насаб,  
Вахм айлама, чекма тааб, ишрат, Киромий, кил талаб,  
Вуслат замони бўлажак, соки кадах тут лаб-балаб,  
Мутриб, тузат савти тараб, ўткар, Навоий, бир газал..

\* \* \*

Тузуб асбоби шохи беадад ахли хидам чекти,  
Жахони тира узра нурдин хони карам чекти,  
Кеча хиндусини дафъ эткали тиги дудам чекти,  
Сахар ховар шахи чарх узраким хайли хашам чекти.  
Шиюй хат била кўхсор уза олтун алам чекти.

Таолалло ёйиб офок аро хуршед ёгдусин,  
Мусаффо айлади кўкнинг мукарнас токи минусин,  
Бериб зийнат супурди ер юзидин тун коронгусин,  
Казо фарроши чекти субхнинг симин супургисин,  
Музахаб парларин андоки товуси харам чекти.

Ясаб устои кудрат бесутун бу чарх таъмирин,  
Кавокибдин ул айвон ичра кокти кубба тасвирин,  
Не тил бирла килай мингдин бири тавсифи таъбирин,  
Китоба сунъ килки сураи вашшамс тафсирин,  
Фалак токи хавошисида зархалдин ракам чекти.

Сабухи май чекарга риндлар гулшанда ўлтурди,  
Муножот ахли масжид ичра ёраб халкасин курди,  
Алоло солди куффор ахлию нокус чолдурди,  
Муаззин Каъба токи узра гулбонги самад урди,  
Барахман дайр айвонида оханги санам чекти.

Килиб бошдин кадам ушшоклар азми висол этти,  
Кўруб ўтрисида маъшуклар арзи жамол этти,  
Ўкуб мубхам иборатларни шоирлар хаёл этти,  
Маоний ахли гоҳе нукта узра килу кол этти,  
Муганний хайли гоҳе нагма узра зеру бам чекти.

Шаби хижронда минг гам юз кўюб бир-биридин собик,  
Тонг отгунча фиғон тортиб, ситамдин ошики содик,  
Нигори лаъли ёдидин кўруб жон бермагин лойик,  
Яко чок этти гоҳи субх ул мотамга ким ошик,  
Бу мухлик шоми хижрон ичра юз хуноби гам чекти.

Шафакдин тўн кийиб илгига олиб дамбадам тигин,  
Чекибдур кахр ила катл этгали чархи дажам тигин,  
Урар хар бегунох кўксига раҳм этмай алам тигин,  
Замона кулди, ул гофилга ким даврон ситам тигин,  
Анга урмокни англаб, ўзгага тиги ситам чекти.

Адам мулкига рахтинг чек, бакосиз умрни англаб,  
Кўнгул уз касру жохингдин биносиз умрни англаб,  
Кечурмас дахр бир соат жафосиз умрни англаб,  
Хушо улким мунингдек чоғ вафосиз умрни англаб,  
Сабухи жомини ахбоб бирла дамбадам чекти.

Каю ошик топарга матлабин пур иштиёк ўлса,  
Суруру айшу рохат кўнгли мулкидин йирок ўлса,  
Фигони боиси бир мохталъат симсок ўлса,  
Агар кўнглида бир гул хажридин хори фирок ўлса,  
Бахона йигламокга бир неча жоми алам чекти.

Не хуш бўлгай фалак они вафо бирла тузуб улфат,  
Дегай нохида рост ушшок кил туз чанг ила сухбат,  
Гадое кулбасига келса шохи чун очиб талъат,  
Агар худ васл икболи муяссар бўлса бир соат,  
Фаридун тахти узра базм тузди, жоми жам чекти.

Юрутса жоми жамни ноз ила ул кошлари пайваст,  
Асири кўнглудин хажр оташин бир согар эткай паст,  
Мунингдек давлат икболи кишига берган эрмас даст,  
Бўлуб матлуб рухсорига махв жомидин сармаст,  
Юзин туфрокга кўйди, бошини оллига хам чекти.

Анингдек базмни хак асрасун бегона кўздинким,  
Сабухи май ичиб, бурка олиб фархунда юздин ким,  
Кўруб они тани титраб, тили хам колди сўздин ким,  
Не давлатдурки бу холатда андок борди ўздин ким,  
Бако иклимидин тахтини то мулки адам чекти.

Киромий, бандасига рахмати довар насиб ўлгай,  
Шафоатхохи махшар арсасида ул хабиб ўлгай,  
Талаб йўлидоги бекасча не сабру шикиб ўлгай,  
Навоий, шояд ул рахравга бу максад насиб ўлгай,  
Ким ул дашти фано катъ этгали йиллар кадам чекти.